



**Արևելագիտության ինստիտուտ
պետական ոչ առևտրային
կազմակերպություն**

**Խ.Աբովյանի անվան պետական
մանկավարժական համալսարանի**

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ԵՐԵՎԱՆ 2026

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

Արևելագիտության ինստիտուտը, որպես ակադեմիական բարձր վարկանիշ ունեցող գիտական կազմակերպություն, իր առաքելությունն է համարում ոչ միայն գիտական առաջընթաց ապահովելը, այլև ազգային մակարդակով գիտահեն կրթության հասանելիության ընդլայնումը: Հաշվի առնելով այս սկզբունքը՝ Ինստիտուտը միանշանակ նպատակադրված է համագործակցել և նպաստել բուհերի գիտակրթական գործունեության, ներուժի հզորացմանը:

Սույն հուշագրով Ինստիտուտը վերահաստատում է իր սկզբունքային դիրքորոշումը՝

- աջակցել ՀՀ բարձրագույն ուսումնական հաստատությունների գիտական ներուժի զարգացմանը,
- խթանել գիտակրթական համակարգի համաչափ զարգացումը,
- նպաստել պրոֆեսորադասախոսական կազմի վերապատրաստման, ինչպես նաև երիտասարդ մասնագետների պատրաստման աշխատանքներին:

Արևելագիտության ինստիտուտ պետական ոչ առևտրային կազմակերպության և Խ.Աբովյանի անվան պետական մանկավարժական համալսարանի միջև

Արևելագիտության ինստիտուտ պետական ոչ առևտրային կազմակերպության՝ (այսուհետ՝ Ինստիտուտ), ի դեմս ինստիտուտի տնօրեն Գոհար Իսկանդարյանի, ով գործում է Ինստիտուտի կանոնադրության հիման վրա մի կողմից, և Խ.Աբովյանի անվան պետական մանկավարժական համալսարանի (այսուհետ՝ համալսարան) ի դեմս ռեկտորի Ժ.պ. Լիլիթ Մկրտչյանի, ով գործում է Համալսարանի կանոնադրության հիման վրա, մյուս կողմից, (այսուհետ՝ «Կողմեր»), կարևորելով ՀՀ գիտության և կրթության ոլորտների միջև կապերի ամրապնդման, մասնագիտական կարողությունների արդյունավետ օգտագործման և առաջավոր փորձի փոխանակման անհրաժեշտությունը, կնքեցին համագործակցության հուշագիր (այսուհետ՝ Հուշագիր)՝ հետևյալի մասին.

1. ՀՈՒՇԱԳՐԻ ԱՌԱՐԿԱՆ

1.1. Հուշագրի առարկան Հայաստանի Հանրապետության օրենսդրության հիման վրա Կողմերի համագործակցության նպատակի, գործընկերության հիմնական ուղղությունների, Կողմերի իրավունքների և պարտավորությունների սահմանումն է:

2. ՀՈՒՇԱԳՐԻ ՆՊԱՏԱԿԸ ԵՎ ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

2.1. Հուշագրի նպատակը Կողմերի միջև կրթական, գիտահետազոտական ոլորտներում գործընկերային հարաբերությունների հաստատումն է, համագործակցության ծրագրերի իրականացումը՝ Հուշագրի 2.2. կետում նախատեսված ուղղություններով:

2.2. Կողմերի համագործակցության հիմնական ուղղություններն են.

- ա) համատեղ գիտահետազոտական ծրագրերի իրականացում,
- բ) սեմինարների, թեմատիկ քննարկումների կազմակերպում,
- գ) համատեղ հանրապետական և միջազգային գիտաժողովների կազմակերպում,
- դ) Արևելագիտության ինստիտուտի և և Խ.Աբովյանի անվան պետական մանկավարժական համալսարանի գիտական պարբերականներում գիտական հետազոտությունների արդյունքների հրատարակում,
- ե) Արևելագիտության ինստիտուտում և Խ.Աբովյանի անվան պետական մանկավարժական համալսարանի ուսանողների գիտահետազոտական պրակտիկայի կազմակերպում,
- զ) ասպիրանտական թեզերի ղեկավարում և համաղեկավարում,
- է) գիտական և մեթոդական գրականության և մասնագիտական զարգացմանը նպաստող էլեկտրոնային աղբյուրների տրամադրում, գիտական աշխատությունների, դասագրքերի, ուսումնական նյութերի, ուսումնամեթոդական ձեռնարկների մշակում և խմբագրում,
- ը) կրթական, գիտական ուղղվածության դրամաշնորհային ծրագրերի համատեղ իրականացում,
- թ) մյուս Կողմին արտաքին ֆինանսավորմամբ իրականացվող ծրագրերում՝ հնարավորության դեպքում, որպես գործընկեր ներգրավում,

ժ) Կողմերի իրականացրած այլ կրթական, գիտական, մշակութային ծրագրերին, կազմակերպած միջոցառումներին մասնակցություն,

ի) Հաշվի առնելով Ինստիտուտի գիտահետազոտական և գիտակրթական աշխատանքների մեծ փորձը և հնարավորությունները հատկապես Հարավային Կովկասի, Մերձավոր և Միջին Արևելքի ուսումնասիրման ուղղությամբ, հարավկովկասյան և մերձավորարևելյան տարածաշրջանի առանցքային տարբեր հիմնախնդիրների հետազոտման, գնահատման և դրանց վերաբերյալ գիտավերլուծական միջոցառումների կազմակերպում:

2.3. Սույն նպատակը և վերոնշյալ ուղղություններով համագործակցությունը չի խոչընդոտում Կողմերի օրենսդրությամբ չարգելված համագործակցության այլ տեսակների զարգացումը, որոնք կարող են առաջանալ հետագայում:

2.4. Երկուստեք հետաքրքրություն ներկայացնող թեմաների և խնդիրների վերաբերյալ մասնագիտական խորհրդատվության իրականացում:

2.5. Կողմերի գրադարանների, ֆոնդերի համատեղ օգտագործման հասանելիություն: Միջազգային գիտատեղեկատվական շտեմարանների նյութերի փոխանակում:

3. ՀԱՄԱԳՈՐԾԱԿՑՈՒԹՅԱՆ ՈԼՈՐՏՆԵՐԸ

3.1. Սույն Հուշագրի նպատակին հասնելու համար Կողմերը համաձայնում են համագործակցել միմյանց հետ հետևյալ ոլորտներում.

ա) մագիստրոսների, ասպիրանտների, դասախոսների և հետազոտողների ակադեմիական փոխանակում, վերապատրաստում՝ մասնագիտական (գիտակրթական, հետազոտական) պրակտիկա անցնելու համար,

բ) նպաստել գիտական համագործակցության հաստատմանը՝ հարավկովկասյան, Մերձավոր Արևելքի և Հեռավոր Արևելքի տարածաշրջանին, ինչպես նաև Աֆրիկային վերաբերող փոխադարձ հետաքրքրություն ներկայացնող ոլորտներում,

գ) Կողմերի ներկայացուցիչներին հրավիրել դասախոսություններ կարդալու՝ փորձի և տեղեկատվության փոխանակման համար,

դ) Կողմերի հետազոտողների կողմից տարածաշրջանային անվտանգային արդի հիմնախնդիրների վերաբերյալ դասախոսությունների, վարպետության դասերի (այդ թվում՝ «առցանց» ռեժիմով) անցկացում,

ե) Հարավկովկասյան, մերձավորարևելյան և հեռավորարևելյան տարածաշրջանի անվտանգային արդի հիմնախնդիրների վերաբերյալ համատեղ կոնֆերանսների,

սեմինարների, սիմպոզիումների, կլոր սեղանների անցկացում,

զ) համատեղ աշխատանքի արդյունքների հիման վրա հետազոտական, ուսումնական և մեթոդական նյութերի հրապարակում,

է) հրապարակումների, գիտական հետազոտությունների, ուսումնական գրականության, պարբերականների, ընթացիկ իրադարձությունների մասին տեղեկատվության փոխանակում և գիտական հրապարակումների գրախոսում,

ը) Կողմերին գիտության և կրթության ոլորտում համատեղ կազմակերպվող առաջիկա գիտաժողովների և սեմինարների մասին տեղեկացում:

4. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

4.1. Կողմերը պարտավորվում են ձեռնարկել բոլոր միջոցները սույն հուշագրով ստանձնած իրենց պարտականությունները բարեխղճորեն, Կողմերի միջև համաձայնեցված ժամկետներում կատարելու համար:

4.2. Սույն ոլորտներում իրականացվող աշխատանքների համար Կողմերը չունեն ֆինանսական պարտավորություններ: Հնարավոր ֆինանսական պարտավորությունները յուրաքանչյուր Կողմ իրականացնում է իր հաշվին:

4.3. Կողմերը հնարավոր են համարում ներգրավել պոտենցիալ ֆինանսական գործընկերներ՝ ներառյալ հիմնադրամները:

5. ՓՈՓՈԽՈՒԹՅՈՒՆՆԵՐՆ ՈՒ ԼՐԱՑՈՒՄՆԵՐԸ

5.1. Հուշագիրը չի կարող փոխվել կամ լրացվել միակողմանիորեն:

5.2. Սույն Հուշագիրը կարող է փոփոխվել և լրացվել Կողմերի փոխադարձ համաձայնությամբ՝ ստորագրելով լրացուցիչ համաձայնագրեր, որոնք կլինեն դրա անբաժանելի մասը, պատշաճ կերպով կկատարեն և կստորագրեն Կողմերի լիազորված անձինք:

6. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

6.1. Սույն Հուշագիրը ուժի մեջ է մտնում Կողմերի ստորագրման օրվանից և գործում է անժամկետ:

6.2. Սույն Հուշագիրը կարող է վաղաժամկետ լուծվել Կողմերից յուրաքանչյուրի նախաձեռնությամբ՝ ենթադրվող դադարեցման օրվանից ոչ ուշ, քան 1 (մեկ) ամիս առաջ՝ մյուս կողմին գրավոր ծանուցմամբ:

7. ՀՈՒՇԱԳԻՐԸ ԱՏՈՐԱԳՐՈՂ ԿՈՂՄԵՐԸ

7.1. Սույն Հուշագիրը կազմված է հայերենով, կնքված հավասար իրավաբանական ուժ ունեցող երկու օրինակից: Յուրաքանչյուր կողմին տրվում է մեկ օրինակ:

Սույն Հուշագիրը կազմվել է «29» 06. 2026 թ., ք. Երևան:

Ստորագրված է

«ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ»
ՊՈԱԿ

Խ.ԱՐՈՎՅԱՆԻ ԱՆՎԱՆ ՊԵՏԱԿԱՆ
ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

ՏՆՕՐԵՆ՝

ՌԵԿՏՈՐԻ Ժ/Պ՝

Գոհար Մանվելի Իսկանդարյան

Լիլիթ Սերյոժայի Մկրտչյան

Կ.Տ.



Կ.Տ.